



Broj: 01-50-1-15-49/17
Sarajevo, 5.7.2017.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	18-07-2017		
Organizaciona jedinica	Kvalifikaciona oznaka	Redni broj	Broj priloga

3

ZAPISNIK
49. sjednice Predstavničkog doma
Parlamentarne skupštine Bosne i Hercegovine,
održane 5.7.2017.

Sjednica je počela u 11,05 sati. Prisustvovalo je su 40 poslanika.¹

Sjednici su prisustvovali članovi Vijeća ministara BiH, predstavnici Tužilaštva BiH i predstavnici Nezavisnog operatera sistema u BiH.

Iz međunarodnih organizacija sjednicu su pratili predstavnici OHR-a, EUSR-a, USAID-a i Misije OSCE-a, iz nevladinih organizacija prisustvovali su predstavnik CCI-a, te predstavnici američke i italijanske ambasade u BiH.

Predsjedavajući Doma Šefik Džaferović rekao je da će poslanicima, u skladu s članom 167. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- **Mirsad Donlagić** – ministru civilnih poslova BiH
- **Saša Magazinović** – predsjedavajućem Vijeća ministara BiH
- **Maja Gasal - Vražalica** – Vijeću ministara BiH
- **Mirsad Isaković** – predsjedavajućem Vijeća ministara BiH
- **Aleksandra Pandurević** – predsjedavajućem Vijeća ministara BiH
- **Diana Zelenika** – ministru vanjske trgovine i ekonomskih odnosa BiH
- **Damir Arnaut** – predsjedavajućem Vijeća ministara BiH
- **Amir Fazlić** – ministru sigurnosti BiH
- **Salko Sokolović** – ministru vanjske trgovine i ekonomskih odnosa BiH
- **Nermina Kapetanović** – ministru vanjske trgovine i ekonomskih odnosa BiH
- **Hanka Vajzović** – ministru komunikacija i prometa BiH
- **Senad Šepić** – Vijeću ministara BiH
- **Jasmin Emrić** – predsjedavajućem Vijeća ministara BiH

¹ Nakon rasprave o dnevnom redu, a zbog neusvajanja njihovog prijedloga za dopunu dnevnog reda, sjednicu su napustili poslanici iz Kluba SNSD-a, ali su prisustvovali sjednici prilikom glasanja o tačkama dnevnog reda.

Mirsad Donlagić

Pitanje postavljeno ministru civilnih poslova BiH: „Nakon više od godinu dana otkako je usvojena Odluka o usvajanju prioriteta za razvoj visokog obrazovanja BiH za period 2016.-2026., postavljam pitanje da li Ministarstvo civilnih poslova BiH ima povratne informacije o efektivnom djelovanju Odluke i ako ima, kakve su, a ako nema, zašto nema? Kakve su eventualne sankcije za one koji se ne bi pridržavali navedene odluke?“

Ministar civilnih poslova BiH Adil Osmanović dao je usmeni odgovor. Poslanik Mirsad Donlagić komentirao je dati odgovor.

Saša Magazinović

Pitanje postavljeno predsjedavajućem Vijeća ministara BiH: „Odlukom Predsjedništva BiH, usvojenom na sjednici održanoj 25.5.2016., kojom je predsjedavao Bakir Izetbegović, međunarodni članovi Komisije za očuvanje nacionalnih spomenika BiH isključeni su iz ovog tijela koje je ustanovljeno Aneksom VIII. Općeg okvirnog sporazuma za mir u Bosni i Hercegovini. Ova odluka donesena je jednoglasno. Aneksom VIII. Općeg okvirnog sporazuma za mir u Bosni i Hercegovini jasno je navedeno da Komisija ima pet članova, od čega dva međunarodna, te da odluke donosi tako da saglasnost mora dati bar jedan međunarodni član. Ovom odlukom Predsjedništva BiH rečeno je da ta je odluka privremena i da vrijedi do 30. maja. Pitanje sam uputio visokom predstavniku koji se svojim odgovorom nedvosmisleno saglasio s tvrdnjom da ova odluka Predsjedništva BiH nije u skladu s Aneksom VIII. Okvirnog dejtonskog sporazuma, Općeg okvirnog sporazuma za mir u Bosni i Hercegovini, te da je ovakvom odlukom dovedeno u pitanje funkcioniranje ove izuzetno značajne institucije.

Predsjedavajući je u svom ekspozeu naglasio, između ostalog, i rad ove institucije rekavši da institucije iz oblasti kulture, koje želim posebno naglasiti, ne smiju i neće biti stavljene na marginu jer su kultura i sport jedan od najvažnijih brendova Bosne i Hercegovine. Tada je predsjedavajući Zvizdić rekao da je više od 800 dobara u Bosni i Hercegovini proglašeno nacionalnim spomenikom, više od 1.500 čeka na potencijalnoj listi nacionalnih spomenika, ali nažalost još uvijek više od 70 spomenika na teritoriji Bosne i Hercegovine ima status ugroženih spomenika kulture. Ja želim postaviti pitanje gospodinu Zvizdiću – Da li je svjestan ovog problema i da li je u okviru svojih obećanja iz ekspozea učinio ikakav korak da se prebrodi ovaj problem? Podsjećam, 30. maja ove godine istekla je ta odluka i ta institucija praktično više ne funkcionira.”²

Predsjedavajući Vijeća ministara BiH Denis Zvizdić dao je odgovor, te rekao da će biti dostavljen i u pisanoj formi. Poslanik Saša Magazinović komentirao je dati odgovor.

Maja Gasal - Vražalica

Pitanje postavljeno Vijeću ministara BiH: „

1. „Da li je, u skladu s Odlukom o kriterijima za dodjelu sredstava za sufinansiranje projekata institucija kulture u Bosni i Hercegovini za 2016. godinu, Udruženje „Hrvatska žena Livno“ zaista ispunjavalo sve u ovoj odluci propisane kriterije?
2. Zašto je Udruženje „Hrvatska žena Livno“ dobilo 100.000 KM, a Franjevački samostan Kraljeva Sutjeska za konzerviranje i restauriranje knjiga Franjevačkog samostana samo 1.000 KM?

² Izvod iz neautoriziranog transkripta 49. sjednice Predstavničkog doma PSBiH

3. Koji je tačan datum početka i završetka projekta Udruženje „Hrvatska žena Livno“ navelo u svom pisanom obavještenju koji je bilo dužno dostaviti 15 dana od dana zaključivanja ugovora?
4. Da li ste dobili periodične i završni izvještaj o namjenskom trošenju sredstava prema Obrascu za narativni izvještaj i Obrascu za finansijski izvještaj, koji su sastavni dio ove odluke, a koja su korisnici sredstava dužni dostaviti Ministarstvu civilnih poslova BiH (član 10. stav (3) Zakona o Budžetu institucija BiH i međunarodnih obaveza BiH za 2016. godinu („Službeni glasnik BiH“, broj 101/15)?
5. Šta ćete vi kao Ministarstvo preduzeti, budući da smo putem medija upoznati s tim, da se subjekat u čije ime se apliciralo za 100.000 KM odrekao tih sredstava?“

Ministar civilnih poslova BiH Adil Osmanović dao je usmeni odgovor i rekao da će biti dostavljen u pisanoj formi. Poslanica Maja Gasal – Vražalica komentirala je odgovor.

Mirsad Isaković

Pitanje postavljeno predsjedavajućem Vijeća ministara BiH: „Zašto Vijeće ministara BiH nije formiralo međuministarsko vijeće koje je, shodno Zakonu o osnivanju IGA-e, imalo jednu od ključnih uloga u radu Agencije?“

Predsjedavajući Vijeća ministara BiH Denis Zvizdić dao je odgovor. Poslanik Mirsad Isaković komentirao je odgovor.

Denis Bećirović

Pitanje postavljeno predsjedavajućem Vijeća ministara BiH: „Naime, i nama i široj javnosti poznato je da je Vučić učestvovao u opsadi glavnog grada međunarodno priznate Republike Bosne i Hercegovine. Poznato je da je 1997. u Skupštini Srbije dao skandaloznu izjavu da za jednog Srbina treba ubiti stotinu Bošnjaka. Godine 2007. postavljao je table s natpisom „Bulevar Ratka Mladića“, 2015. je otvoreno negirao konačne i obavezujuće odluke Ustavnog suda BiH. Godine 2016. u Skupštini Srbije, citiram, izjavio je da je Srbija Dejtonskim mirovnim sporazumom izgubila Vozuću, Ilidžu, Rajlovac, Kupres, Grahovo. Postavljam pitanje: kako Srbija može izgubiti nešto što nije nikada posjedovala i što nikada neće ni posjedovati? Sve su to, dakle, manje-više poznate činjenice. Ono što je nepoznato i to jeste pitanje premijeru Zvizdiću – Na bazi kojih argumenata, gospodine Zvizdiću, Vi Vučića predstavljate u pozitivnom svjetlu i, kako kažete, on je prijatelj Bosne i Hercegovine? Možda mi tih argumenata nemamo, pa ako je moguće da nam kažete s kojim argumentima Vi tvrdite da je on prijatelj Bosne i Hercegovine?“³

Predsjedavajući Vijeća ministara BiH Denis Zvizdić dao je odgovor. Poslanik Denis Bećirović komentirao je odgovor.

Aleksandra Pandurević

Pitanje postavljeno predsjedavajućem Vijeća ministara BiH:

1. „Da li je Državna regulatorna komisija za električnu energiju (DERK) odobrila ovo kreditno zaduženje? Ako nije, koje su mjere preduzeli da zaustave nezakonito ponašanje Nezavisnog operatera sistema za prijenosni sistem u BiH (NOSBiH) i kršenje Zakona o osnivanju NOS-a BiH?“

³ Izvod iz neautoriziranog transkripta 49. sjednice Predstavničkog doma PSBiH

2. Na koji način će se vraćati ovaj kredit, s obzirom na to da je budžet NOS-a baziran na tarifi koju odobrava DERK, a finansijska sredstva kroz tarifu se prihvataju na osnovu realnih i odobrenih troškova prihvaćenih od DERK-a?
3. Da li su saglasnost za Odluku o kreditnom zaduženju dali vlasnici NOS-a (entiteti) koji svoja vlasnička prava ostvaruju putem Upravnog odbora, tj. da li su članovi Upravnog odbora imali saglasnost entitetskih vlada?
4. Da li je uopće urađen elaborat o tome da li je NOS-u potreban rezervni centar ovog obima, s obzirom na razvoj informacionih i telekomunikacijskih tehnologija i da li je taj elaborat odobrio DERK?“

Predsjedavajući Vijeća ministara BiH Denis Zvizdić dao je odgovor. Poslanica Aleksandra Pandurević komentirala je odgovor koji je zatražila i u pisanoj formi.

Diana Zelenika

Pitanje postavljeno ministru vanjske trgovine i ekonomskih odnosa BiH: „Šta je uradilo Vijeće ministrara BiH, odnosno Ministarstvo vanjske trgovine i ekonomskih odnosa BiH na poboljšanju položaja poljoprivrednika, odnosno poljoprivredne proizvodnje u BiH, a imajući u vidu i zahtjeve poljoprivrednika putem svojih udruženja i u FBiH i u RS-u, a u formi uvođenja prelevmana na uvoz poljoprivrednih proizvoda, ograničenja na uvoz sezonskog voća i povrća kada domaćih proizvoda ima dovoljno na tržištu, uvođenja strožije kontrole na uvoz poljoprivrednih proizvoda s obzirom na činjenicu da se uvozi jako puno nekvalitetnih proizvoda, odnosno proizvoda koji ne mogu proći na tržištu EU, a završavaju na našem tržištu.“

Ministar vanjske trgovine i ekonomskih odnosa BiH Mirko Šarović nije prisustvovao sjednici, pa je poslanica Diana Zelenika rekla da će pitanje ponoviti na narednoj sjednici na kojoj bude omogućeno postavljanje pitanja u usmenoj formi.

Damir Arnaut

Pitanje postavljeno predsjedavajućem Vijeća ministara BiH: “S obzirom na to da u Vašem ekspozeu kao jedan od prioriteta stoji, na strani 7, citiram – osiguranje ravnopravnosti građana i, opet citiram – ukidanje svakog oblika i vrste diskriminacije i segregacije, strana 26 Vašeg ekspozea, a Vaša ministrica za ljudska prava kaže da to nije nadležnost njenog ministarstva, moje pitanje je onda – Da li iko u Vijeću ministara radi na ovim prioritetima iz Vašeg ekspozea i ako radi, šta onda radi po pitanju stavova poput ovih načelnika navedene općine? (Izjave načelnika sarajevske Općine Novi Grad o tome ko može ili ne može biti Bošnjak, a koje uključuju pseudonaučne tvrdnje poput onih iz najmračnijih vremena Evropskog kontinenta.)⁴

Poslanik Damir Arnaut postavio je pitanje predsjedavajućem Vijeća ministara BiH Denisu Zvizdiću. Nije dobio usmeni odgovor. Damir Arnaut zatražio je da se zapisnički konstatira da je predsjedavajući bio u sali i „odbio“ dati odgovor na pitanje, te rekao da će pitanje ponoviti na narednoj sjednici kada bude omogućeno postavljanje poslaničkih pitanja u usmenoj formi.

⁴ Izvod iz neautoriziranog transkripta 49. sjednice Predstavničkog doma PSBiH

Amir Fazlić

Pitanje postavljeno ministru sigurnosti BiH: „Proteklih nekoliko godina bili smo u prilici pratiti sudbinu decertificiranih policajaca i ovlaštenih službenih lica iz policijskih struktura. Da li je taj problem riješen, te da li su radnopravni statusi ovih lica riješeni?“

Ministar sigurnosti BiH Dragan Mektić nije prisustvovao sjednici, pa je poslanik Amir Fazlić rekao da će pitanje ponoviti na narednoj sjednici na kojoj bude omogućeno postavljanje pitanja u usmenoj formi.

Salko Sokolović

Pitanje postavljeno ministru vanjske trgovine i ekonomskih odnosa BiH: „Neusvajanjem Zakona o tržištu i transportu električne energije i plina na državnom nivou BiH je dobila sankcije od Energetske zajednice. Energetska zajednica je kroz date sankcije pozvala Evropsku komisiju da razmotri potrebu nastavka ulaganja u BiH na polju električne energije. Produženje sankcija za BiH znači nastavak zabrane pristupa svim fondovima EU za podršku energetsom sektoru, ali i sredstvima obezbijedenim u okviru Berlinskog procesa, kao i od nekih drugih međunarodnih institucija. Ukratko, stotine miliona eura je već nepovratno izgubljeno. S obzirom na to da je Ministarstvo vanjske trgovine i ekonomskih odnosa BiH nadležno za ovu oblast, kada će u parlamentarnu proceduru uputiti predmetni zakon i koji su razlozi da to do sada nije učinilo?“

Ministar vanjske trgovine i ekonomskih odnosa BiH Mirko Šarović nije prisustvovao sjednici, pa je poslanik Salko Sokolović rekao da će pitanje ponoviti na narednoj sjednici na kojoj bude omogućeno postavljanje pitanja u usmenoj formi.

Nermina Kapetanović

Pitanje postavljeno ministru vanjske trgovine i ekonomskih odnosa BiH: „Koje aktivnosti preduzima Ministarstvo vanjske trgovine i ekonomskih odnosa BiH, kako bi pomoglo proizvođačima malina u Bosni i Hercegovini, na kvalitetu proizvodnje i izvozu?“

Ministar vanjske trgovine i ekonomskih odnosa BiH Mirko Šarović nije prisustvovao sjednici, pa je poslanica Nermina Kapetanović rekla da će pitanje ponoviti na narednoj sjednici na kojoj bude omogućeno postavljanje pitanja u usmenoj formi.

Hanka Vajzović

Pitanje postavljeno ministru komunikacija i prometa BiH:

1. „Šta je do sada urađeno na realizaciji projekta „Zamjena i obnova oznaka i druge prometne signalizacije kojima se označava granični prijelaz i njegovo područje, blizina granične linije, kao i način postavljanja tih oznaka i signalizacije“ za koje je prije tri – četiri godine urađena (i plaćena!) projektna dokumentacija, a prije gotovo dvije godine osigurana i sredstva od oko 800.000 KM?“
2. Koje je aktivnosti Ministarstvo komunikacija i prometa BiH poduzelo u vezi sa sporenjima (ugovor, Pravobranilaštvo) vezanim za Centar za obrazovanje iz Širokog Brijega (koji se „suvereno“ bavi „stručnim osposobljavanjem prijevoznika i vozača“), te da li se Ministarstvu komunikacija i prometa BiH uplaćuje 5% sredstava koliko mu pripada od ukupne sume novca koju prijevoznici i vozači nužno uplaćuju Centru za obrazovanje u Širokom Brijegu?
3. Da li je i šta (ili išta) Ministarstvo poduzelo u vezi sa sredstvima (1,13 miliona KM) prikupljenim od certificiranja prijevoznika u međunarodnom prijevozu putnika i robe, koja su potom ostala blokirana na podračunu Vanjskotrgovinske komore BiH?

4. Da li je Ministarstvo išta (ili: da li je i šta) poduzelo u skladu s presudom Suda BiH vezano za homologaciju vozila, dijelova, uređaja i opreme, budući da taj problem (o kojem su i mediji pisali) datira iz prošlog mandatnog perioda, dakle još iz vremena ministrovanja Damira Hadžića?“

Ministar komunikacija i prometa BiH Ismir Jusko nije prisustvovao sjednici, pa je poslanica Hanka Vajzović rekla da će pitanje ponoviti na narednoj sjednici na kojoj bude omogućeno postavljanje pitanja u usmenoj formi.

Senad Šepić

Pitanje postavljeno Vijeću ministara BiH:

„Šta je Vijeće ministara BiH dosad uradilo da realizira raniju inicijativu koju sam uputio da se u pripremi organizacije zajedničke sjednice Vlade Republike Hrvatske i Vijeća ministara BiH obavezno uvrste tačke dnevnog reda:

1. Rješavanja gužvi i zastoja na graničnom prijelazu u Unsko-sanskom kantonu i prekategoriizacija malograničnih prijelaza Tržačka Raštela, Zagrad i Hadžin potok u granične prijelaze za međunarodni saobraćaj ljudi i robe;
2. Stavljanje u funkciju Unske pruge;
3. Realizacija zaključaka BiH o izgradnji odlagališta Trgovska gora.“

Predsjedavajući Vijeća ministara BiH Denis Zvizdić dao je odgovor. Poslanik Senad Šepić komentirao je dati odgovor.

Jasmin Emrić

Pitanje postavljeno predsjedavajućem Vijeća ministara BiH: „Da li je Vijeće ministara BiH razmatralo informaciju o aktuelnim problemima proizvođača malina u vezi s neprihvatljivo niskom cijenom maline koju su najavili otkupljivači, te šta će Vijeće ministara BiH poduzeti radi spašavanja proizvodnje malina u Bosni i Hercegovini, kao i poboljšanja sttusa, održivosti i konkurentnosti ove perspektivne proizvodnje jagodičastog voća?“

Predsjedavajući Vijeća ministara BiH Denis Zvizdić dao je odgovor. Poslanik Jasmin Emrić komentirao je dati odgovor.

U vezi sa izmjenama i dopunama dnevnog reda sjednice, predsjedavajući Šefik Džaferović napomenuo je sljedeće:

U dnevni red dodate su:

Tačka 3. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-1-770/17, od 20.3.2017. (drugo čitanje),

Tačka 16. Izvještaj o utvrđivanju prijedloga kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, materijal Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora kao nezavisnog tijela

policijske strukture Bosne i Hercegovine iz srpskog naroda, broj: 01,02-34-1-1590/17, od 30.6.2017.,

Tačka 17. Razmatranje ostavke Mirze Milišića na mjesto člana Vijeća Regulatorne agencije za komunikacije BiH, broj: 01,02-29-1556/17, od 23.6.2017., i Prijedlog odluke o razrješenju dužnosti člana Vijeća Regulatorne agencije za komunikacije BiH, akt broj: 01,02-29-1556/17, od 3.7.2017.,

Tačka 18. Informacija o zaštiti imovine vlasnika stare devizne štednje položene u slovenskim i srbijanskim bankama, a sve u skladu s presudom Evropskog suda u Strasbourgu u predmetu 60642/08 Ališić i drugi, predlagači tačke: poslanici Maja Gasal-Vražalica i Denis Bećirović, materijal broj: 01-50-1-1497/17, od 14.6.2017., i

Tačka 20. Potvrđivanje odluka Predsjedništva BiH (akt: Ministarstva odbrane BiH, broj: P-POV-07-03-10-9-47/17, od 21.6.2017., i materijal Predsjedništva BiH, broj: 17-50-1-1948-6/17, od 6.6.2017.):

a) Razmatranje Odluke Predsjedništva BiH, broj: 01-50-1-1948/17, od 26.5.2017., i

b) Razmatranje Odluke Predsjedništva BiH, broj: 01-50-1-1948-3/17, od 26.5.2017.

U raspravi su učestvovali: Damir Arnaut, Senad Šepić, Denis Bećirović, Amir Fazlić, Aleksandra Pandurević, Saša Magazinović, Staša Košarac, Sadik Ahmetović, Nermina Kapetanović i Lazar Prodanović.

Senad Šepić predložio je da se dnevni red dopuni tačkom koja glasi: Informacija o realizaciji ranijih zaključaka i inicijativa o određivanju najmanje zagarantirane cijene i sigurnog otkupa poljoprivrednih proizvoda u BiH, te Prijedlog mjera za odgovor na ove inicijative.

Denis Bećirović predložio je da se dnevni red dopuni Informacijom o tome šta se jučer (4.7.2017.) zaista dogodilo u Srebrenici (medijski natpisi o kamenovanju Munire Subašić) ili da se ta tačka nađe na narednoj sjednici Doma. Također, predložio je da se tačka 13. Razmatranje poslaničke inicijative Denisa Bećirovića, podnesene 10.5.2017., koja glasi: „Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi Strategiju nacionalne sigurnosti Bosne i Hercegovine“, broj: 01-50-1-1206/17, razmatra kao treća tačka dnevnog reda sjednice.

Aleksandra Pandurević predložila je dopunu dnevnog reda zaključkom: „Predstavnički dom privremeno suspendira poslanika Nikolu Špirića s mjesta predsjedavajućeg Zajedničke komisije za nadzor nad radom Obavještajno - sigurnosne agencije BiH do izjašnjenja Komisije o medijskim navodima da je falsificirao zaključke Komisije.“

Sadik Ahmetović predložio je dopunu dnevnog reda tačkom: Informacija o realizaciji ranijih inicijativa i odlukama Zajedničke komisije za administrativne poslove o osiguranju jednakih uslova za rad svakog poslanika i poslaničkog kluba u PSBiH.

Lazar Prodanović, u ime poslanika iz Kluba SNSD-a, predložio dopunu dnevnog reda tačkom koja glasi: Odluka o razrješenju poslanika Šefika Džaferovića dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma.

Predsjedavajući je konstatirao da Denis Bećirović nije dostavio materijal za predloženu tačku dnevnog reda, te da ne ispunjava poslovničke mogućnosti da se uvrsti u dnevni red današnje sjednice.

Dom se prvo izjašnjavao o prijedlogu Senada Šepića. „Za“ prijedlog dopune dnevnog reda glasalo je 18 poslanika (iz Federacije BiH 17, iz Republike Srpske jedan), 13 „protiv“, sedam je bilo „suzdržano“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 18 glasova „za“, 15 „protiv“ (iz Federacije BiH tri, iz Republike Srpske 12) i šest glasova „suzdržan“, Dom **nije usvojio** prijedlog Senada Šepića.

„Za“ prijedlog Aleksandre Pandurević za dopunu dnevnog reda zaključkom: „Predstavnički dom privremeno suspendira poslanika Nikolu Špirića s mjesta predsjedavajućeg Zajedničke komisije za nadzor nad radom Obavještajno - sigurnosne agencije BiH do izjašnjenja Komisije o medijskim navodima da je falsificirao zaključke Komisije“, glasalo je 20 poslanika (iz Federacije BiH 15, iz Republike Srpske pet), 13 „protiv“ i šest je bilo „suzdržanih“. Dom **je usvojio** ovaj prijedlog.

S 30 glasova „za“ (iz Federacije BiH 20, iz Republike Srpske 10), dva glasa „protiv“ i sedam glasova „suzdržan“, prijedlog Sadika Ahmetovića za dopunu dnevnog reda tačkom: Informacija o realizaciji ranijih inicijativa i odlukama Zajedničke komisije za administrativne poslove o osiguranju jednakih uslova za rad svakog poslanika i poslaničkog kluba u PSBiH - **usvojen je**.

Zatim se Dom izjasnio o prijedlogu poslanika iz Kluba SNSD-a za dopunu dnevnog reda tačkom: Odluka o razrješenju poslanika Šefika Džaferovića dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma. Sa sedam glasova „za“ (iz Federacije BiH jedan, iz Republike Srpske šest), 30 glasova „protiv“ i tri glasa „suzdržan“, prijedlog za dopunu **nije prihvaćen**, nakon čega su poslanici Kluba SNSD-a napustili sjednicu, do glasanja.

Predsjedavajući je konstatirao da 49. sjednica Predstavničkog doma ima sljedeći

DNEVNI RED

1. Usvajanje Zapisnika 47. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-1-770/17, od 20.3.2017. (drugo čitanje);
4. Prijedlog zakona o izmjenama i dopunama Zakona o administrativnim taksama, predlagač: Vijeće ministara BiH, zakon broj: 01,02-02-1-1185/17, od 9.5. i 12.6.2017. (prvo čitanje);

5. Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlađač: poslanik Momčilo Novaković, zakon broj: 01-02-1-1374/17, od 30.5.2017. (prvo čitanje);
6. Prijedlog zakona o izmjeni Zakona o državnoj službi u institucijama Bosne i Hercegovine, predlađač: poslanica Maja Gasal-Vražalica, broj: 01-02-1-1377/17, od 31.5.2017. (prvo čitanje);
7. Prijedlog zakona o izmjeni Zakona o radu u institucijama Bosne i Hercegovine, predlađač: poslanica Maja Gasal-Vražalica, broj: 01-02-1-1378/17, od 31.5.2017. (prvo čitanje);
8. Izvještaj o radu Vijeća ministara BiH za 2016. godinu, broj: 01,02-50-19-1411/17, od 5.6.2017.;
9. Informacija o stanju pravosuđa u Bosni i Hercegovini, s posebnim osvrtom na borbu protiv organiziranog kriminala i korupcije, materijal Ministarstva pravde BiH, broj: 01-50-19-1344/17, od 25.5.2017. (glasanje);
10. Informacija o stanju javne zaduženosti Bosne i Hercegovine na dan 31.12.2016., materijal Vijeća ministara BiH, broj: 01,02-16-1-1382/17, od 31.5.2017.;
11. Informacija o radu Tužilaštva BiH za 2016. godinu, broj: 01-09-1421/17, od 6.6.2017.;
12. Informacija o realizaciji ranijih inicijativa i odlukama Zajedničke komisije za administrativne poslove o osiguranju jednakih uslova za rad svakog poslanika i poslaničkog kluba u PSBiH, predlađač tačke: poslanik Sadik Ahmetović, broj: 01-50-1-1621/17, od 5.7.2017.;
13. Program razvoja sistema zaštite i spašavanja na nivou institucija i organa Bosne i Hercegovine, materijal Ministarstva sigurnosti BiH, broj: 01-04-1049/17, od 29.5.2017.;
14. Razmatranje poslaničke inicijative Denisa Bećirovića, podnesene 10.5.2017., koja glasi: „Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi Strategiju nacionalne sigurnosti Bosne i Hercegovine“, broj: 01-50-1-1206/17;
15. Razmatranje poslaničke inicijative Kluba poslanika Nezavisni blok, podnesene 31.5.2017., koja glasi: „Predlažemo da se u dnevni red prve naredne sjednice Predstavničkog doma Parlamentarne skupštine BiH, a najkasnije u roku od 30 dana, uvrsti tačka pod nazivom: Izvještaj o radu Vijeća ministara BiH za 2016. i realizacija programa rada Vijeća ministara BiH za period januar – maj 2017.“, broj: 01-50-1-1386/17;
16. Razmatranje poslaničke inicijative Hanke Vajzović, podnesene 13.6.2017., koja glasi: „Zadužuje se Vijeće ministara BiH da pripremi i najkasnije do naredne sjednice Predstavničkog doma PSBiH (zakazane za 5.7.2017.) svim poslanicima dostavi cjelovit i detaljan izvještaj o:
 - 1) aktivnostima u vezi s izgradnjom Pelješkog mosta i
 - 2) dešavanjima u vezi s izgradnjom mosta na Savi kod Svilaja.“, broj: 01-50-1-1474/17;
17. Prijedlog zaključka poslanika iz Kluba SDS: „Predstavnički dom privremeno suspendira poslanika Nikolu Špirića s mjesta predsjedavajućeg Zajedničke komisije za nadzor nad radom Obavještajno - sigurnosne agencije BiH do izjašnjenja Komisije o medijskim navodima da je počinio falsificiranje zaključaka Komisije“, broj: 01-50-1-1619/17, od 5.7.2017.;
18. Izvještaj o utvrđivanju prijedloga kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, materijal Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, broj: 01,02-34-1-1590/17, od 30.6.2017.;

19. Razmatranje ostavke Mirze Milišića na mjesto člana Vijeća Regulatorne agencije za komunikacije BiH, broj: 01,02-29-1556/17, od 23.6.2017. i Prijedlog odluke o razrješenju dužnosti člana Vijeća Regulatorne agencije za komunikacije BiH, akt broj: 01,02-29-1556/17, od 3.7.2017.;
20. Informacija o zaštiti imovine vlasnika stare devizne štednje položene u slovenskim i srbijanskim bankama, a sve u skladu s presudom Evropskog suda u Strasbourgu u predmetu 60642/08 Ališić i drugi, predlagači tačke: poslanici Maja Gasal- Vražalica i Denis Bećirović, materijal broj: 01-50-1-1497/17 od 14.6.2017.;
21. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Poljske o vojnoj saradnji, materijal broj: 01,02-05-2-1431/17, od 7.6.2017.;
22. Potvrđivanje odluka Predsjedništva BiH (akt: Ministarstva odbrane BiH, broj: P-POV-07-03-10-9-47/17, od 21.6.2017. i materijal Predsjedništva BiH, broj: 17-50-1-1948-6/17, od 6.6.2017:
 - c) Razmatranje Odluke Predsjedništva BiH, broj: 01-50-1-1948/17, od 26.5.2017. i
 - d) Razmatranje Odluke Predsjedništva BiH, broj: 01-50-1-1948-3/17, od 26.5.2017.*(Napomena: Materijal za ovu tačku dnevnog reda je, zbog povjerljivosti, dostupan isključivo kod sigurnosnog službenika Parlamentarne skupštine BiH i nije ga moguće iznositi. Uvid u materijale možete ostvariti u kancelariji br. 215 (II. sprat) svakim danom od 9 do 17 sati.)*

Ad.1. Usvajanje Zapisnika 47. sjednice Predstavničkog doma Parlamentarne skupštine BiH

Nakon uvodnih napomena, predsjedavajući je otvorio raspravu. Nije bilo prijavljenih.

Zapisnik 47. sjednice usvojen je jednoglasno, s 29 glasova „za” (iz Federacije BiH 23, iz Republike Srpske šest).

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Saša Magazinović** – postavio pitanja Predsjedništvu BiH, predsjedavajućem Vijeća ministara BiH, ministru sigurnosti BiH i ministru komunikacija i prometa BiH
- **Nikola Lovrinović** – postavio pitanje BHRT-u, FTV-u i RTRS-u
- **Damir Arnaut** – postavio dopunska pitanja ministrici za ljudska prava i izbjeglice BiH, te pitanja ministru finansija i trezora BiH
- **Monika Tomić** – postavila pitanje ministru civilnih poslova BiH
- **Mirsad Mešić** – postavio pitanje Ministarstvu za ljudska prava i izbjeglice BiH
- **Predrag Kožul** – postavio pitanje ministru vanjske trgovine i ekonomskih odnosa BiH

Sadržaj postavljenih pitanja je sljedeći:

Saša Magazinović

Pitanja postavljena predsjedavajućem Vijeća ministara BiH:

„Koliko je sredstava prikupljenih na donatorskoj konferenciji nakon velikih poplava 2014. godine došlo u BiH? U koju svrhu su potrošena sredstva? Da li se radi o bespovratnim sredstvima ili o kreditima koje je potrebno vratiti?“

Pitanje postavljeno Predsjedništvu BiH:

„Koja sve državljanstva i koje sve putne isprave imaju članovi Predsjedništva BiH?“

Pitanja postavljena Ministarstvu sigurnosti BiH:

„Ko je razoružao Četnički ravnogorski pokret u Bosni i Hercegovini? Da li je tačno da je organizacija Aktivna islamska omladina prestala s radom?“

Pitanja postavljena ministru komunikacija i prometa BiH:

1. „Kakav je stav Ministarstva o obustavi saobraćaja za kamione vikendom i da li se u tom pravcu poduzimaju neke konkretne aktivnosti?“
2. Kakav je stav Ministarstva o pitanju propisivanja vremenskog perioda u toku dana kada se može obavljati obuka vozača i odvoz smeća? Da li se ovo pitanje može tretirati Zakonom o sigurnosti saobraćaja na putevima u Bosni i Hercegovini ili je to u ingerenciji nekon drugog nivoa vlasti?“
1. Da li je moguće u bilo kojim okolnostima registrirati motorna, priključna vozila i motocikle u Bosni i Hercegovini na period kraći od godinu dana? Ako to nije moguće, da li Ministarstvo ima u planu aktivnosti u pravcu uvođenja „privremene /sezonske registracije“?

Nikola Lovrinović

Pitanja upućena Radioteleviziji Bosne i Hercegovine, Radio-televiziji FBiH i Radio – televiziji RS:

„Ko je donio odluku, kojim aktom i kada o osnivanju vašeg servisa? Molim da mi se u prilogu odgovora dostavi i osnivački akt.“

Damir Arnaut

Dopunska pitanja upućena ministrici za ljudska prava i izbjeglice BiH:

1. „Zbog čega Ministarstvo za ljudska prava i izbjeglice BiH ne prakticira osuđivanje govora mržnje, kako putem medija tako i putem svoje zvanične internetske stranice, kao što to rade slična ministarstva u zemljama regije (primjeri u prilogu)?“
2. Kada će Ministarstvo za ljudska prava i izbjeglice BiH početi zauzimati proaktivan pristup po pitanju suzbijanja govora mržnje kroz javne osude takovog govora?
3. Da li Ministarstvo za ljudska prava i izbjeglice BiH obučava svoje kadrove da prate pojave govora mržnje u Bosni i Hercegovini, odnosno da rade na njihovom suzbijanju?
4. Da li Ministarstvo za ljudska prava i izbjeglice BiH ima osoblje koje je zaduženo da prati pojave govora mržnje i da o njima obavještava rukovodstvo Ministarstva i druga nadležna tijela (Instituciju ombudsmena, nadležna tužilaštva...)? Ako ima, navesti funkciju tog djelatnika, te dostaviti sve izvještaje koje je pripremio/uputio u protekle dvije godine.“

Pitanja upućena ministru finansija i trezora BiH:

1. „Koji je ukupan iznos koji je u 2014., 2015., 2016., te u prvih pet mjeseci (januar – maj) 2017. godine isplaćen iz budžeta institucija BiH na ime naknada za rad u upravnim odborima, nadzornim odborima, komisijama, te svim drugim radnim tijelima? Molim da podatke dostavite poredane tabelarno, po svakoj godini pojedinačno.
2. Pored tog ukupnog iznosa, molim Vas informaciju o pojedinačnom utrošku za navedene potrebe klasificirano po svakoj instituciji BiH pojedinačno, također poredano tabelarno po svakoj godini pojedinačno.
3. S obzirom na to da su usvajanjem Zakona o dopunama Zakona o plaćama i naknadama u institucijama BiH („Službeni glasnik BiH“, broj 88/15), čiji sam bio predlagač, ukinute ili značajno ograničene naknade za rad u upravnim odborima, nadležnim odborima, komisijama, te svim drugim radnim tijelima, a što je rezultiralo značajnim budžetskim uštedama počev od decembra 2015. godine, molim da mi dostavite detaljne podatke na koje budžetske stavke/korisnike su uštedena sredstva preusmjerena, kojom odlukom, te u kom omjeru, kako tokom 2016. godine, tako i u prvoj polovini 2017. godine.
4. Na koje budžetske stavke/korisnike Vijeće ministara BiH planira preusmjeriti navedena uštedena sredstva u svom nacrtu budžeta za 2018. godinu?“

Monika Tomić

Pitanje upućeno ministru civilnih poslova BiH:

„Šta ste konkretno uradili u 2016. i 2017. godini u svrhu pravovremenog pružanja usluga i sprečavanja socijalne isključenosti porodice i djece koja su izložena riziku od siromaštva?“

Mirsad Mešić

Pitanje upućeno Ministarstvu za ljudska prava i izbjeglice BiH:

1. „Ima li Ministarstvo konačan spisak stvarnih korisnika pomoći za rekonstrukciju i obnovu stambenih jedinica (Aneks VII. Dejtonskog mirovnog sporazuma)?
2. Ima li Ministarstvo konačan spisak stvarnih korisnika pomoći za infrastrukturu (elektrifikacija, prilazni putevi, vodovod i dr.) (Anex VII. Dejtonskog mirovnog sporazuma)?
3. Da li Ured za reviziju institucija BiH u Fondu za povratak BiH vršio kontrolu realizacije sredstava namijenjenih za program povratka iz Aneksa VII. Dejtonskog mirovnog sporazuma? Ako jeste, u kojim godinama je to radio i kakvi su nalazi?“

Predrag Kožul

Pitanje upućeno ministru vanjske trgovine i ekonomskih odnosa BiH:

„Da li planirate poduzeti ikakve aktivnosti kojim bi uticali na promjenu strukture Naftnog komiteta BiH, kako bi bio, kao član međunarodnog udruženja, reprezentativno udruženje domaćeg naftnog sektora?“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanja poslanice **Mensure Beganović**, postavljena u pisanoj formi na 46. sjednici, odgovor dostavilo Ministarstvo vanjskih poslova BiH, te na pitanje postavljeno u

usmenoj formi na 44. sjednici, odgovor dostavilo Ministarstvo vanjske trgovine i ekonomskih odnosa BiH,

- Na pitanje poslanika **Lazara Prodanovića**, postavljeno u usmenoj formi na 45. sjednici, Vijeće ministara BiH prosljedilo odgovor Ministarstva sigurnosti BiH.
- Na pitanje poslanika **Šemsudina Mehmedovića**, postavljeno u pisanoj formi na 43. sjednici, odgovor dostavilo Vijeće ministara BiH
- Na pitanje poslanika **Denisa Bećirovića**, postavljeno u pisanoj formi na 43. sjednici, odgovor dostavilo Vijeće ministara BiH
- Na pitanje poslanika **Safera Demirovića**, postavljeno u usmenoj formi na 45. sjednici, odgovor dostavilo Ministarstvo pravde BiH
- Na pitanje poslanika **Mirsada Isakovića**, postavljeno u usmenoj formi na 44. sjednici, odgovor dostavilo Vijeće ministara BiH
- Na pitanje poslanice **Diane Zelenike**, postavljeno u usmenoj formi na 42. sjednici, Vijeće ministara BiH prosljedilo je odgovor Ministarstva za ljudska prava i izbjeglice BiH
- Na pitanje poslanika **Fehima Škaljića**, postavljeno u usmenoj formi na 48. sjednici, odgovor dostavilo Ministarstvo pravde BiH
- Na pitanje poslanika **Nikole Lovrinovića**, postavljeno u pisanoj formi na 45. sjednici, Predsjedništvo BiH dostavilo je obavještenje.

Dostavljene odgovore komentirali su poslanici:

Saša Magazinović zatražio je da se uputi urgencija predsjedavajućem Vijeća ministara BiH na pitanje postavljeno u usmenoj formi na 33. sjednici PDPSBiH, održanoj 19.7.2016.

Hanka Vajzović komentirala je odgovor Ministarstva komunikacija i prometa BiH na pitanje u vezi s Programom sigurnosti civilnog zrakoplovstva BiH.

Mensura Beganović izrazila je zadovoljstvo odgovorom Ministarstva vanjske trgovine i ekonomskih odnosa BiH u vezi s pristupom BiH u Svjetsku trgovinsku organizaciju. Nije zadovoljna odgovorom Ministarstva vanjskih poslova BiH na pitanje o ekonomskoj diplomatiji u BiH.

Damir Arnaut izrazio je nezadovoljstvo odgovorom Vijeća ministara BiH na pitanje u vezi s stanjem u oblasti reforme finansijskog tržišta.

Zaim Backović komentirao je odgovor Ministarstva pravde BiH, nezadovoljan činjenicom da odgovor na njegovo pitanje nije dostavljen institucijama RS-a. Također, nezadovoljan je nedobivanjem odgovora od Ministarstva finansija i trezora BiH i Ministarstva civilnih poslova BiH na pitanje u vezi s prihodima od registracije vozila za izgradnju puteva.

Nikola Lovrinović komentirao je obavještenje od Predsjedništva BiH, te je nezadovoljan nedobivanjem odgovora od BHRT-a, FTV-a i RTRS-a.

Safer Demirović komentirao je odgovor Tužilaštva TK i zatražio urgenciju za dostavu odgovora na pitanje postavljeno Vijeću ministara BiH na 44. sjednici Doma, održanoj 20.4.2017.

Diana Zelenika nezadovoljna je odgovorom Ministarstva za ljudska prava i izbjeglice BiH na pitanje postavljeno na 42. sjednici Doma.

Ad.3. Prijedlog zakona o izmjenama i dopunama Zakona o upravi, predlagač: Vijeće ministara BiH, zakon broj: 01,02-02-1-770/17, od 20. 3. 2017. (drugo čitanje)

Predsjedavajući Šefik Džaferović dao je uvodne napomene i otvorio raspravu. Nije bilo prijavljenih.

„Za“ Prijedlog zakona o izmjenama i dopunama Zakona o upravi glasalo je 18 poslanika (iz Federacije BiH 17, iz Republike Srpske jedan), nije bilo glasova „protiv“, a bilo je 13 glasova „suzdržan“. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o Prijedlogu zakona o izmjenama i dopunama Zakona o upravi.

Ad.4. Prijedlog zakona o izmjenama i dopunama Zakona o administrativnim taksama, predlagač: Vijeće ministara BiH, zakon broj: 01,02-02-1-1185/17, od 9.5. i 12.6.2017. (prvo čitanje)

Predsjedavajući je dao uvodne napomene i otvorio raspravu. Diskutirali su Salko Sokolović i Hazim Rančić.

Dom, s 10 glasova „za“ (iz Federacije BiH četiri, iz Republike Srpske šest), 18 glasova „protiv“ i tri glasa „suzdržan“, **nije usvojio u prvom čitanju** Prijedlog zakona o izmjenama i dopunama Zakona o administrativnim taksama, čiji je predlagač Vijeće ministara BiH.

Ad.5. Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, predlagač: poslanik Momčilo Novaković, zakon broj: 01-02-1-1374/17, od 30.5.2017. (prvo čitanje)

Predsjedavajući Šefik Džaferović dao je uvodne napomene i otvorio raspravu. Diskutirao je Momčilo Novaković.

Nakon rasprave, Dom je s 25 glasova „za“ (iz Federacije BiH 18, iz Republike Srpske sedam), bez glasova „protiv“ i šest glasova „suzdržan“, **usvojio u prvom čitanju** Prijedlog zakona o izmjenama Zakona o osnovama sigurnosti saobraćaja na putevima u Bosni i Hercegovini, čiji je predlagač poslanik Momčilo Novaković.

Ad.6. Prijedlog zakona o izmjeni Zakona o državnoj službi u institucijama Bosne i Hercegovine, predlagač: poslanica Maja Gasal-Vražalica, broj: 01-02-1-1377/17, od 31.5.2017. (prvo čitanje)

Predsjedavajući je dao uvodne napomene i otvorio raspravu. Diskutirala je Maja Gasal - Vražalica.

Dom je, s 28 glasova „za“ (iz Federacije BiH 21, iz Republike Srpske sedam), bez glasova „protiv“ i tri glasa „suzdržan“, **usvojio u prvom čitanju** Prijedlog zakona o izmjeni Zakona o državnoj službi u institucijama Bosne i Hercegovine, čiji je predlagač poslanica Maja Gasal-Vražalica.

Ad.7. Prijedlog zakona o izmjeni Zakona o radu u institucijama Bosne i Hercegovine, predlagač: poslanica Maja Gasal-Vražalica, broj: 01-02-1-1378/17, od 31.5.2017. (prvo čitanje)

Predsjedavajući je dao uvodne napomene i otvorio raspravu. Diskutirala je Maja Gasal-Vražalica.

Dom je, s 28 glasova „za“ (iz Federacije BiH 21, iz Republike Srpske sedam), bez glasova „protiv“ i tri glasa „suzdržan“, **usvojio u prvom čitanju** Prijedlog zakona o izmjeni Zakona o radu u institucijama Bosne i Hercegovine, čiji je predlagač poslanica Maja Gasal-Vražalica.

Prije prelaska na tačku 8. dnevnog reda, predsjedavajući je dao na glasanje prijedlog Mladena Bosića da se posljednja tačka dnevnog reda razmatra nakon pauze za ručak, jer je potrebna pauza od sat vremena da se Bijela sala pripremi za razmatranje te tačke. Radi se o tački koja je zatvorena za javnost, sa oznakom „povjerljivo“.

„Za“ ovaj prijedlog glasalo je 20 poslanika (iz Federacije BiH 16, iz Republike Srpske četiri), nije bilo glasova „protiv“, a bilo je 10 glasova „suzdržan“. Predsjedavajući je konstatirao da **nema potrebne entitetske većine**, te da se neće ići u drugi krug glasanja jer nisu prisutni svi članovi Kolegija. Ovaj prijedlog smatra se odbijenim.

Ad.8. Izvještaj o radu Vijeća ministara BiH za 2016. godinu, broj: 01,02-50-19-1411/17, od 5.6.2017.

Predsjedavajući je dao uvodne napomene i prije rasprave predložio je da se zatraži od komisija koje nisu razmatrale Izvještaj o radu Vijeća ministara BiH za 2016. godinu da ga ponovo razmatraju na sjednici komisije, uz prisustvo ministara ili zamjenika ministara, te sazvaio sjednicu Kolegija Predstavničkog doma u proširenom sastavu kako bi se dogovorili o daljem toku sjednice, kada je u pitanju ova tačka dnevnog reda. Na Proširenom kolegiju nije postignut konsenzus u vezi s ovim pitanjem.

Diskutirali su: Nikola Lovrinović, Damir Arnaut, Senad Šepić, Sadik Ahmetović, Jasmin Emrić, Nermina Kapetanović, Salko Sokolović i Zaim Backović.

Domu se obratio predsjedavajući Vijeća ministara BiH Denis Zvizdić.

Nakon rasprave o tome da li odgoditi raspravu o ovoj tački do naredne sjednice, predsjedavajući je dao na glasanje prijedlog Kolegija da se rasprava odgodi kako bi komisije ponovo obavile raspravu na svojim sjednicama uz prisustvo ministara i da se na Domu

rasprava obavi na narednoj sjednici, uz prisustvo predsjedavajućeg i svih ministara u Vijeću ministara BiH.

Dom je, s 16 glasova „za“ (iz Federacije BiH 10, iz Republike Srpske šest), 14 glasova „protiv“ i jednim glasom „suzdržan“, **usvojio** ovaj prijedlog.

Ad.9. Informacija o stanju pravosuđa u Bosni i Hercegovini, s posebnim osvrtom na borbu protiv organiziranog kriminala i korupcije, materijal Ministarstva pravde BiH, broj: 01-50-19-1344/17, od 25.5.2017. (glasanje)

Predsjedavajući je dao uvodne napomene i otvorio raspravu. Nije bilo prijavljenih.

Predsjedavajući je dao na glasanje prijedloge zaključaka Kolegija Predstavničkog doma u proširenom sastavu. S 28 glasova „za“ (iz Federacije BiH 22, iz Republike Srpske šest), šest glasova „protiv“ i tri glasa „suzdržan“, Dom je **usvojio** zaključke, a oni glase:

- 1. Predstavnički dom Parlamentarne skupštine BiH zadužuje Vijeće ministara BiH da najkasnije u roku od 120 dana pripremi i u parlamentarnu proceduru dostavi izmjene i dopune Zakona o Visokom sudskom i tužilačkom vijeću Bosne i Hercegovine i drugih zakona, te da preduzme i druge inicijative kako bi Bosna i Hercegovina imala mehanizme za što odgovorniju i efikasniju borbu protiv kriminala i korupcije.*
- 2. Predstavnički dom Parlamentarne skupštine BiH dostavlja Vijeću ministara BiH sve prijedloge zaključaka predložene u raspravi o Informaciji o stanju pravosuđa u Bosni i Hercegovini, s posebnim osvrtom na borbu protiv organiziranog kriminala i korupcije, kao individualne stavove predlagača, te stenogram rasprave, kako bi ih imali u vidu prilikom realizacije zaključka broj 1.*
- 3. Predstavnički dom Parlamentarne skupštine BiH dostavlja Visokom sudskom i tužilačkom vijeću BiH, Sudu BiH i Tužilaštvu BiH sve prijedloge zaključaka predložene povodom rasprave o Informaciji o stanju pravosuđa u Bosni i Hercegovini, sa posebnim osvrtom na borbu protiv organiziranog kriminala i korupcije, kao individualne stavove predlagača, te stenogram rasprave, na postupanje svakom u okviru svoje nadležnosti.*

Zatim je Dom, s 24 glasa „za“ (iz Federacije BiH 17, iz Republike Srpske sedam), bez glasova „protiv“ i sedam glasova „suzdržan“, **primio k znanju** Informaciju o stanju pravosuđa u Bosni i Hercegovini, s posebnim osvrtom na borbu protiv organiziranog kriminala i korupcije.

Ad.10. Informacija o stanju javne zaduženosti Bosne i Hercegovine na dan 31.12.2016., materijal Vijeća ministara BiH, broj: 01,02-16-1-1382/17, od 31.5.2017.

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 24 glasa „za“ (iz Federacije BiH 17, iz Republike Srpske sedam), bez glasova „protiv“ i sedam glasova „suzdržan“, **primio k znanju** Informaciju o stanju javne zaduženosti Bosne i Hercegovine na dan 31.12.2016.

Ad.11. Informacija o radu Tužilaštva BiH za 2016. godinu, broj: 01-09-1421/17, od 6.6.2017.

Predsjedavajući je dao uvodne napomene. U raspravi su učestvovali: Zaim Backović, Damir Arnaut, Nikola Lovrinović, Asim Sarajlić, Damir Bećirović, Aleksandra Pandurević, Denis Bećirović, Predrag Kožul, Šemsudin Mehmedović, Sadik Ahmetović, Fehim Šklajić, Šefik Džaferović, Mirsad Đonlagić, Momčilo Novaković, Mladen Bosić i Borjana Krišto.

Domu se obratila v.d. glavnog tužioca Gordana Tadić.

Predsjedavajući je dao na glasanje Informaciju. „Za“ je glasalo 20 poslanika (iz Federacije BiH 19, iz Republike Srpske jedan), sedam „protiv“, 10 je bilo „suzdržano“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 20 glasova „za“, devet „protiv“ (iz Federacije BiH dva, iz Republike Srpske sedam) i osam glasova „suzdržan“, Dom je **primio k znanju** Informaciju o radu Tužilaštva BiH za 2016. godinu.

Ad.12. Informacija o realizaciji ranijih inicijativa i odlukama Zajedničke komisije za administrativne poslove o osiguranju jednakih uslova za rad svakog poslanika i poslaničkog kluba u PSBiH, predlaže tačke: poslanik Sadik Ahmetović, broj: 01-50-1-1621/17, od 5.7.2017.

Predsjedavajući je otvorio raspravu. U raspravi su učestvovali: Sadik Ahmetović, Senad Šepić, Fehim Šklajić, Maja Gasal – Vražalica, Saša Magazinović, Mirsad Đonlagić, Borjana Krišto, Damir Arnaut, Hanka Vajzović, Momčilo Novaković, Salko Sokolović i Zaim Backović.

Predstavnički dom je, s 25 glasova „za“ (iz Federacije BiH 17, iz Republike Srpske osam), tri glasa „protiv“ i devet glasova „suzdržan“, **usvojio** zaključak na prijedlog poslanika Sadika Ahmetovića, koji glasi: *„Nalaže se Zajedničkoj komisiji za administrativne poslove PSBiH da ponovo održi sjednicu, a najkasnije u roku od 10 dana i donese odluku po zahtjevu Kluba poslanika Nezavisni blok u skladu sa Zakonom o finansiranju političkih stranaka i Poslovnikom Predstavničkog doma PSBiH te osigura ravnopravan tretman i prava svim poslanicima i klubovima.“*

Ad.13. Program razvoja sistema zaštite i spašavanja na nivou institucija i organa Bosne i Hercegovine, materijal Ministarstva sigurnosti BiH, broj: 01-04-1049/17, od 29.5.2017.

Predsjedavajući je dao uvodne napomene i otvorio raspravu. U raspravi su učestvovali: Aleksandra Pandurević, Predrag Kožul, Salko Sokolović, Hanka Vajzović, Hazim Rančić, Safer Demirović, Momčilo Novaković, Damir Arnaut i Denis Bećirović.

Dom je, s 31 glasom „za“ (iz Federacije BiH 24, iz Republike Srpske sedam), šest „protiv“ i bez glasova „suzdržan“, **usvojio** Odluku o usvajanju Programa razvoja sistema zaštite i spašavanja na nivou institucija i organa Bosne i Hercegovine.

Ad.14. Razmatranje poslaničke inicijative Denisa Bećirovića, podnesene 10.5.2017., koja glasi: „Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi Strategiju nacionalne sigurnosti Bosne i Hercegovine“, broj: 01-50-1-1206/17

Predsjedavajući je dao uvodne napomene i otvorio raspravu. U raspravi su učestvovali: Denis Bećirović, Nikola Lovrinović, Zaim Backović, Saša Magazinović i Momčilo Novaković.

Predsjedavajući je dao na glasanje poslaničku Inicijativu. „Za“ su glasala 22 poslanika (iz Federacije BiH 21, iz Republike Srpske jedan), 15 „protiv“, bez glasova „suzdržan“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 22 glasa „za“, 15 „protiv“ (iz Federacije BiH tri, iz Republike Srpske 12) i bez glasova „suzdržan“, Dom **nije usvojio** Inicijativu poslanika Denisa Bećirovića.

Ad.15. Razmatranje poslaničke inicijative Kluba poslanika Nezavisni blok, podnesene 31.5.2017., koja glasi: „Predlažemo da se u dnevni red prve naredne sjednice Predstavničkog doma Parlamentarne skupštine BiH, a najkasnije u roku od 30 dana, uvrsti tačka pod nazivom: Izvještaj o radu Vijeća ministara BiH za 2016. i realizacija programa rada Vijeća ministara BiH za period januar – maj 2017.“, broj: 01-50-1-1386/17

Predsjedavajući je dao uvodne napomene i otvorio raspravu. Diskutirao je Senad Šepić.

Dom, s 14 glasova „za“ (iz Federacije BiH 13, iz Republike Srpske jedan), 14 glasova „protiv“ i tri glasa „suzdržan“, **nije usvojio** Inicijativu Kluba poslanika Nezavisni blok.

Ad.16. Razmatranje poslaničke inicijative Hanke Vajzović, podnesene 13.6.2017., koja glasi: „Zadužuje se Vijeće ministara BiH da pripremi i najkasnije do naredne sjednice Predstavničkog doma PSBiH svim poslanicima dostavi cjelovit i detaljan izvještaj o:

- 1) aktivnostima u vezi sa izgradnjom Pelješkog mosta i
- 2) dešavanjima u vezi sa izgradnjom mosta na Savi kod Svilaja.“, broj: 01-50-1-1474/17

Predsjedavajući je dao uvodne napomene i otvorio raspravu. U raspravi su učestvovali: Šemsudin Mehmedović, Hanka Vajzović, Momčilo Novaković, Željko Komšić, Zaim Backović, Damir Arnaut, Sadik Ahmetović i Nikola Lovrinović.

U raspravi je Šemsudin Mehmedović predložio zaključke.

Dom se prvo pojedinačno izjašnjavao o prijedlozima zaključaka Šemsudina Mehmedovića.

S 26 glasova „za“ (iz Federacije BiH 19, iz Republike Srpske sedam), bez glasova „protiv“ i bez glasova „suzdržan“, Dom je **usvojio zaključak br.1.** koji glasi:

1. ***Traži se od Vijeća ministara BiH da dostavi sve sporazume, ugovore ili druge akte koje je potpisala Bosna i Hercegovina a vezano za granicu Bosne i Hercegovine i R Hrvatske, kao i za izgradnju i odobrenje aktivnosti izgradnje Pelješkog mosta.***

S 21 glasom „za“ (iz Federacije BiH 16, iz Republike Srpske pet), tri glasa „protiv“ i sedam „suzdržanih“, Dom je **usvojio zaključak br.2.** koji glasi:

2. ***Traži se od Vijeća ministara BiH da uputi notu Republici Hrvatskoj kako bi obustavila sve aktivnosti u vezi sa izgradnjom Pelješkog mosta, dok se ne postigne potpuna obostrana saglasnost.***

S 23 glasa „za“ (iz Federacije BiH 16, iz Republike Srpske sedam), tri glasa „protiv“ i pet „suzdržanih“, Dom je **usvojio zaključak br. 3.** koji glasi:

3. ***Potrebno je da se sve institucije nadležne za ovo pitanje aktivno uključe u ove aktivnosti.***

S 26 glasova „za“ (iz Federacije BiH 19, iz Republike Srpske sedam), bez glasova „protiv“ i pet „suzdržanih“, Dom je **usvojio zaključak br.4.** koji glasi:

4. ***Zadužuje se Ministarstvo komunikacija i prometa BiH da prati aktivnosti u vezi s ovim pitanjem i izvještava Parlamentarnu skupštinu BiH.***

Zatim se Dom izjašnjavao o Inicijativi. S 28 glasova „za“ (iz Federacije BiH 21, iz Republike Srpske sedam), tri glasa „protiv“ i bez glasova „suzdržan“, Dom je **usvojio Inicijativu, sa ispravkom** u datumu sjednice, koja sada glasi:

„Zadužuje se Vijeće ministara BiH da pripremi i najkasnije do naredne sjednice Predstavničkog doma PSBiH (zakazane za 26.7.2017.) svim poslanicima dostavi cjelovit i detaljan izvještaj o:

- 1) aktivnostima u vezi sa izgradnjom Pelješkog mosta i
- 2) dešavanjima u vezi sa izgradnjom mosta na Savi kod Svilaja.“

Ad.17. Prijedlog zaključka poslanika iz Kluba SDS: „Predstavnički dom privremeno suspendira poslanika Nikolu Špirića s mjesta predsjedavajućeg Zajedničke komisije za nadzor nad radom Obavještajno - sigurnosne agencije BiH do izjašnjenja Komisije o medijskim navodima da je falsificirao zaključke Komisije“, broj: 01-50-1-1619/17, od 5.7.2017.

Predsjedavajući je otvorio raspravu. U raspravi su učestvovali: Damir Arnaut, Staša Košarac, Aleksandra Pandurević, Borislav Bojić, Lazar Prodanović, Sadik Ahmetović, Željko Komšić, Predrag Kožul, Mirsad Đonlagić, Nikola Špirić, Momčilo Novaković, Nikola Lovrinović i Borjana Krišto.

Dom je, s 21 glasom „za“ (iz Federacije BiH 15, iz Republike Srpske šest), 13 „protiv“ i tri glasa „suzdržan“, **usvojio modificirane zaključke** poslanika Kluba SDS, koji glase:

1. *„Predstavnički dom poziva Zajedničku komisiju za nadzor nad radom Obavještajno – sigurnosne agencije BiH da privremeno suspendira poslanika Nikolu Špirića s mjesta predsjedavajućeg Zajedničke komisije, do hitnog izjašnjenja Komisije o medijskim navodima da je falsificirao zaključke Komisije.*
2. *Predstavnički dom zahtijeva od Zajedničke komisije za nadzor nad radom Obavještajno-sigurnosne agencije BiH da Domu dostavi informaciju o tome da li je predsjedavajući Komisije uputio OSA-i zaključke koje Komisija nije usvojila.“*

Ad.18. Izvještaj o utvrđivanju prijedloga kandidata za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, materijal Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora kao nezavisnog tijela policijske strukture Bosne i Hercegovine iz srpskog naroda, broj: 01,02-34-1-1590/17, od 30.6.2017.

Predsjedavajući je dao uvodne napomene i otvorio raspravu. Nije bilo prijavljenih.

Predsjedavajući je imenovanje dao na glasanje. „Za“ je glasalo 17 poslanika (iz Federacije BiH 16, iz Republike Srpske jedan), 14 „protiv“, bez glasova „suzdržan“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, sa 17 glasova „za“, 16 „protiv“ (iz Federacije BiH osam, iz Republike Srpske osam) i jednim glasom „suzdržan“, **Dom je imenovao Vladimira Jurišića za člana Nezavisnog odbora kao nezavisnog tijela policijske strukture Bosne i Hercegovine iz srpskog naroda.**

Ad.19. Razmatranje ostavke Mirze Milišića na mjesto člana Vijeća Regulatorne agencije za komunikacije BiH, broj: 01,02-29-1556/17, od 23.6.2017. i Prijedlog odluke o razrješenju dužnosti člana Vijeća Regulatorne agencije za komunikacije BiH, akt broj: 01,02-29-1556/17, od 3.7.2017.

Predsjedavajući je dao uvodne napomene i otvorio raspravu. Nije bilo prijavljenih.

„Za“ razrješenje Mirze Milišića glasalo je 17 poslanika (iz Federacije BiH 15, iz Republike Srpske dva), pet je bilo „protiv“, devet „suzdržanih“. Predsjedavajući je konstatirao da nema potrebne entitetske većine. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 15 glasova „za“, devet "protiv" (iz Federacije BiH četiri, iz Republike Srpske pet) i sedam glasova „suzdržan“, **Dom je usvojio Odluku o razrješenju** Mirze Milišića dužnosti člana Vijeća Regulatorne agencije za komunikacije BiH.

Ad.20. Informacija o zaštiti imovine vlasnika stare devizne štednje položene u slovenskim i srbijanskim bankama, a sve u skladu s presudom Evropskog suda u Strasbourgu u predmetu 60642/08 Ališić i drugi, predlagači tačke: poslanici Maja Gasal-Vražalica i Denis Bećirović, materijal broj: 01-50-1-1497/17, od 14.6.2017.

Predsjedavajući je dao uvodne napomene i otvorio raspravu. Nije bilo prijavljenih.

Predsjedavajući je napomenuo da je Dom na današnjem nastavku 48. sjednice usvojio prijedlog Kolegija Doma u proširenom sastavu, kojim su pozvani predlagači tačke dnevnog reda da tokom 49. sjednice predlože konkretne, modificirane prijedloge zaključaka. Nije bilo rasprave o ovoj tački.

Zatim je Dom, s 28 glasova „za“ (iz Federacije BiH 21, iz Republike Srpske sedam), bez glasova „protiv“ i tri „suzdržana“, usvojio prijedloge zaključaka Maje Gasal – Vražalica, a oni glase:

- 1. Predstavnički dom PSBiH zadužuje Vijeće ministara BiH da preduzme sve potrebne mjere kod sekretara Vijeća Evrope i komesara za ljudska prava Vijeća Evrope kako bi se bh. štedišama priznalo pravo Evropskog suda na sudovima u Sloveniji, kao i da ukaže na neopravdana osporavanja po darovnim ugovorima i poništenim certifikatima.*
- 2. Predstavnički dom PSBiH zadužuje Vijeće ministara BiH da u najkraćem roku upozna Vijeće Evrope da je Bosna i Hercegovina u najvećem broju slučajeva vratila štednju u domaćim bankama gdje je izvršena konverzija u certifikate, te da zatraži od sekretara Vijeća Evrope i komesara za ljudska prava pri Vijeću Evrope da upoznaju Evropski sud s postojećim problemima te o tome da Slovenija ne poštuje Konvenciju.*
- 3. Predstavnički dom PSBiH zadužuje Vijeće ministara BiH da pomogne Udruženju starih deviznih štetiša BiH u pokrivanju troškova sudskog vještačenja u svim slučajevima povrata stare devizne štednje.*
- 4. Predstavnički dom PSBiH zadužuje Vijeće ministara BiH da u što kraćem roku donese pravni akt kojim će osigurati izdavanje potrebnih potvrda štetišama koje od njih traži Srbija i obezbijediti im dokaz kako ne bi došlo do kašnjenja u podnošenju prijave za naplatu potraživanja.*
- 5. Predstavnički dom PSBiH zadužuje Vijeće ministara BiH da upozna sekretara Vijeća Evrope i komesara za ljudska prava o dodatnim ograničenjima nametnutim srbijanskim zakonom.*

Zatim je Dom, s 28 glasova „za“ (iz Federacije BiH 21, iz Republike Srpske sedam), bez glasova „protiv“ i tri „suzdržan“, **primio k znanju** Informaciju o zaštiti imovine vlasnika stare devizne štednje položene u slovenskim i srbijanskim bankama, a sve u skladu s presudom Evropskog suda u Strasbourgu u predmetu 60642/08 Ališić i drugi.

Ad.21. Davanje saglasnosti za ratifikaciju Sporazuma između Vijeća ministara Bosne i Hercegovine i Vlade Republike Poljske o vojnoj saradnji, materijal broj: 01,02-05-2-1431/17, od 7.6.2017.

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 30 glasova „za“ (iz Federacije BiH 23, iz Republike Srpske sedam), bez glasova „protiv“ i jednim „suzdržan“, **dao saglasnost** za ratifikaciju Sporazuma između Vijeća ministara Bosne i Hercegovine i Vlade Republike Poljske o vojnoj saradnji.

Ad.22. Potvrđivanje odluka Predsjedništva BiH (akt: Ministarstva odbrane BiH, broj: P-POV-07-03-10-9-47/17, od 21.6.2017. i materijal Predsjedništva BiH, broj: 17-50-1-1948-6/17, od 6.6.2017.:

- a) **Razmatranje Odluke Predsjedništva BiH, broj: 01-50-1-1948/17, od 26.5.2017.**
i
- b) **Razmatranje Odluke Predsjedništva BiH, broj: 01-50-1-1948-3/17, od 26.5.2017.**

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 30 glasova „za“ (iz Federacije BiH 23, iz Republike Srpske sedam), bez glasova „protiv“ i jednim „suzdržan“, **potvrdio** Odluku Predsjedništva BiH, broj: 01-50-1-1948/17, od 26.5.2017.

Također, s 29 glasova „za“ (iz Federacije BiH 22, iz Republike Srpske sedam), bez glasova „protiv“ i dva „suzdržan“, **potvrdio** Odluku Predsjedništva BiH, broj: 01-50-1-1948-3/17, od 26.5.2017.

Sjednica je završena u 23 sata.

Sastavni dio Zapisnika je transkript 49. sjednice Predstavničkog doma.

SEKRETAR
PREDSTAVNIČKOG DOMA
Marin Vukoja

PREDSJEDAVAJUĆI
PREDSTAVNIČKOG DOMA
Šefik Džaferović